

**PAGDARANAS, PAGTATAMASA,
AT PAGHAHAYAG KAY KRISTO
(2)**

MGA SUSING PANGUNGUSAP

Sa pamamagitan ng pagkakatawang-tao,
ibinihis ng bugtong na Anak ng Diyos ang pagkatao at naging Diyos-tao;
pagkatapos sa pagkabuhay na muli ay ipinanganak si Kristo
upang maging panganay na Anak,
at kasabay nito ang Kanyang mga mananampalataya ay ipinanganak
upang maging maraming anak ng Diyos.

Ang Tres-unong Diyos ay naproseso
sa pamamagitan ng pagkakatawang-tao, pagkapako sa krus,
pagkabuhay na muli, at pag-akyat sa langit
upang maging kautusan ng Espiritu ng buhay
na inilagay sa ating espiritu bilang isang “siyentipikong” kautusan,
isang awtomatikong prinsipyo;
ito ang isa sa mga pinakamalaking pagkatuklas,
mga pagbabawi pa nga, sa ekonomiya ng Diyos.

Bilang mga anak ng Diyos, tayo ay mga Diyos-tao,
ipinanganak ng Diyos, nagtataglay ng buhay at kalikasan ng Diyos,
at nabibilang sa espesye ng Diyos;
ngayon bilang mga anak ng Diyos, dapat tayong lumakad
sa loob ng pag-ibig at liwanag,
ang pag-ibig bilang panloob na substansiya ng Diyos
at ang liwanag bilang nahayag na elemento ng Diyos.

Si Kristo ang bumubuong sangkap ng kutamaya ng Diyos,
at ang panalangin ang namumukod-tangi at praktikal na paraan
upang iaplay si Kristo bilang ang kutamaya ng Diyos.

Mensahe Isa

Ang Binhi ni David na Naging Anak ng Diyos

Babasahin sa Kasulatan: Gawa 13:23, 33; Roma 1:3-4; 8:29

- I. Sinabi ni Pablo Mga Gawa 13 na mula sa binhi ni David “ang Diyos, ayon sa pangako, ay nagdala sa Israel ng isang Tagapagligtas, si Hesus” (b. 23), at na “lubusang tinupad ng Diyos and pangakong ito...sa pagbabangon kay Hesus, gaya ng nasusulat din sa ikalawang Awit, ‘Ikaw ay Aking Anak; sa araw na ito ay ipinanganak Kita” (b. 33):**
 - A. Sa mga bersikulo 32 at 33, makikita natin na si Kristo bilang Panganay na Anak ng Diyos ay ipinangako sa mga magulang, at tinupad ng Diyos ang pangakong ito sa pamamagitan ng pagbabangon kay Hesus.
 - B. Ang pagkabuhay na muli ay isang kapanganakan sa taong si Hesus:
 1. Ipinanganak Siya ng Diyos sa Kanyang pagkabuhay na muli upang maging panganay na Anak ng Diyos sa maraming magkakapatid—Roma 8:29.
 2. Siya ang bugtong na Anak ng Diyos mula sa kawalang-hanggan—Juan 1:18; 3:16.
 3. Pagkatapos ng Kanyang pagkakatawang-tao, sa pamamagitan ng pagkabuhay na muli ay ipinanganak Siya ng Diyos sa Kanyang pagkatao upang maging panganay na Anak ng Diyos—Heb. 1:6.
 - C. Nakita ni Pablo ang pagkabuhay na muli ng Panginoon sa Awit 2:7: “Ikaw ay Aking Anak; / Sa araw na ito kita ay ipinanganak”:
 1. Iniaplay ni Pablo ang mga salitang *sa araw na ito* sa araw ng pagkabuhay na muli ng Panginoon.
 2. Nangangahulugan ito na ang pagkabuhay na muli ni Kristo ay ang Kanyang kapanganakan bilang panganay na Anak ng Diyos.
 3. Si Hesus, ang Anak ng Tao, ay ipinanganak upang maging Anak ng Diyos sa pamamagitan ng pagiging ibinangon mula sa mga patay; samakatwid, ang pagbabangon ng Diyos kay Hesus mula sa mga patay ay ang pagsisilang Niya sa Kanya upang maging Kanyang panganay na Anak—Gawa 13:33.
 - D. Sa pamamagitan ng pagkakatawang-tao, ibinihis ng bugtong na Anak ng Diyos ang pagkatao at naging Diyos-tao (Juan 1:14, 18; Luc. 1:35); pagkatapos sa pagkabuhay na muli ay ipinanganak ng Diyos ang Diyos-taong ito upang maging Kanyang Panganay (Gawa 13:33; Heb. 1:6; Roma 8:29):
 1. Bago ang pagkakatawang-tao ang bugtong na Anak ng Diyos ay walang pantaong kalikasan; mayroon lamang Siyang dibinong kalikasan.
 2. Sa pagkabuhay na muli ang panganay na Anak ng Diyos ay mayroong pantaong kalikasan gayundin ng dibinong kalikasan.
 - E. Sa pamamagitan ng Kanyang pagkabuhay na muli si Kristo ay ipinanganak upang maging ang panganay na Anak, at kasabay nito ang lahat ng Kanyang mana-nampalataya ay ipinanganak upang maging maraming anak ng Diyos—1 Ped. 1:3; Heb. 2:10:

ANG BINHI NI DAVID NA NAGING ANAK NG DIYOS

Mensahe Isa (pagpapatuloy)

1. Sa maraming anak na ito, tanging ang Panganay ang bugtong na Anak ng Diyos—Juan 1:18; 1 Juan 4:9.
2. Ang bugtong na Anak ng Diyos na ito, sa Kanyang nabuhay na muling pagkatao, ay ang panganay na Anak ng Diyos din—Roma 8:29.
3. Ang Panganay ay may kapwa pagkadibino at pagkatao, at tayo, Kanyang mga mananampalataya bilang maraming anak ng Diyos, ay nagtataglay rin kapwa ng pantaong kalikasan at ng dibinong kalikasan—2 Ped. 1:4.

II. Kailangan nating makilala si Kristo sa Kanyang pagkabuhay na muli na itinalagang Anak ng Diyos sa kapangyarihan kalakip ang Kanyang pantaong kalikasan—Roma 1:3-4:

- A. Bago ang Kanyang pagkakatawang-tao at pagkabuhay na muli, si Kristo ay Anak ng Diyos, ang bugtong na Anak—Juan 1:18; 3:16.
- B. Bagama't si Kristo ay Anak na ng Diyos bago pa ang pagkakatawang-tao, kailangan Niya pa ring maitalaga na Anak ng Diyos mula sa pagkabuhay na muli sapagkat sa pamamagitan ng pagkakatawang-tao ay ibinihis Niya ang pantaong kalikasan, na walang kinalaman sa pagkadibino—1:1, 14; Roma 8:3:
 1. Pagkatapos magkatawang-tao ng Anak ng Diyos, ang Kanyang dibinong kalikasan ay ikinubli ng laman.
 2. Si Kristo ay Anak na ng Diyos sa Kanyang pagkadibino, subalit ang bahagi Niya na Hesus na may pantaong kalikasan, na ipinanganak ni Maria, ay hindi Anak ng Diyos—Luc. 1:31-32, 35.
 3. Sa pamamagitan ng Kanyang pagkabuhay na muli, pinabanal at itinaas ni Kristo ang Kanyang pantaong kalikasan, Kanyang pagkatao, at itinalaga Siya mula sa pagkabuhay na muli bilang Anak ng Diyos kalakip ang Kanyang pantaong kalikasan; sa pakahulugang ito, Siya ay isinilang na Anak ng Diyos sa Kanyang pagkabuhay na—Roma 1:3-4; Gawa 13:33; Heb. 1:5.
 4. Ang pagkakatalagang ito ng Anak ng Diyos ay “sa kapangyarihan,” ang kapangyarihan ng pagkabuhay na muli ni Kristo, na ang realidad ay ang Espiritu—Roma 1:4; Fil. 3:10; Efe. 1:19-20.
- C. Sa pamamagitan ng pagkakatalaga sa pagkabuhay na muli ang Kristo na Anak na ng Diyos bago pa ang Kanyang pagkakatawang-tao ay naging Anak ng Diyos sa isang bagong paraan—Roma 1:4:
 1. Bago ang Kanyang pagkakatawang-tao, Siya ay Anak ng Diyos lamang na may pagkadibino; sa pamamagitan ng Kanyang pagkabuhay na muli, Siya ay itinalagang Anak ng Diyos na may kapwa pagkadibino at pagkatao—b. 4.
 2. Kung si Kristo ay hindi nagbihis ng pantaong kalikasan, hindi na Siya kinakailangang itatalagang Anak ng Diyos, sapagkat sa Kanyang pagkadibino ay Anak na Siya ng Diyos, kahit mula pa sa kawalang-hanggan—Juan 1:18; 17:5.
 3. Sa pagbihis sa pagkatao sa pamamagitan ng pagkakatawang-tao, Siya ay itinalagang Anak ng Diyos kalakip ang pagkatao sa pagkabuhay na muli—1:14; Roma 8:3; 1:3-4; Heb. 2:14:

PAGDARANAS, PAGTATAMASA, AT PAGHAHAYAG KAY KRISTO (2)

Mensahe Isa (pagpapatuloy)

- a. Bilang itinalagang Anak ng Diyos, si Kristo ay may dalawang kalikasan, pagkadibino at pagkatao; ang pagkataong taglay Niya ngayon ay hindi isang natural na pagkatao kundi isang itinaas na pagkatao sa pagkabuhay na muli—Roma 1:4.
 - b. Kahit ang pantaong kalikasan ni Kristo ay itinalagang Anak ng Diyos, sapagkat Siya ay itinalagang Anak ng Diyos na may kapwa pagkadibino at pagkatao.
- D. Ang pagkakatalaga kay Kristo bilang Anak ng Diyos kalakip ang pagkatao ay “ayon sa Espiritu ng kabanalan”—b. 4:
1. Ang Espiritu ng Kabanalan ay ang esensiya ng buhay sa loob ng Panginoong Hesus; nang Siya ay namuhay sa lupa sa laman, taglay Niya ang esensiyang ito sa loob Niya—Mat. 1:18, 20; Luc. 1:35.
 2. Nang nabuhay na muli ang Panginoong Hesus mula sa mga patay, Siya ay itinalagang Anak ng Diyos sa kapangyarihan sa pamamagitan ng pagkabuhay na muli ayon sa Espiritu ng kabanalan na nasa loob Niya—Roma 1:4.
 3. Ngayon Siya ay Anak ng Diyos sa paraang higit na kamangha-mangha kaysa dati, sapagkat taglay na Niya ngayon kapwa ang dibinong kalikasan at ang nabuhay na muli, natransporma, itinaas, niluwalhati, at itinalagang pantaong kalikasan—6:4; Luc. 24:26; Juan 17:5; Gawa 3:13.
- E. Kailangan nating pag-ugnayin ang Roma 1:3-4 at 8:29:
1. Sa pamamagitan ng Kanyang pagkakatawang-tao, pagkapako sa krus, at pagkabuhay na muli, si Kristo, ang Anak ng Diyos, ay naging panganay na Anak, at ang maraming anak, na mga kapatid ni Kristo, ay naiwawangis sa Kanyang larawan—Heb. 2:10-11; Roma 8:29.
 2. Sa Roma 1:3-4 si Kristo, ang Anak ng Diyos, ay ang unang tularan, samantalang sa 8:29 ang maraming magkakapatid ay yaong “malakihang naparami” mula sa tularan at, sa pamamagitan ng pagiging naligtas sa buhay, ay maiwawangis sa larawan ng panganay na Anak.
 3. Dinadala tayo nito sa bagay ng pagpapaging-Diyos at nagpapahiwatig na ang intensiyon ng Diyos sa Kanyang ekonomiya ay ang gawin ang Kanyang sarili na tao upang, sa loob ni Kristo, tayo, ang mga mananampalataya sa loob ni Kristo at mga anak ng Diyos, ay maaaring maging Diyos sa buhay, sa kalikasan, at sa pagkakabuo (subalit hindi sa pagka-Diyos); ang gayong pagpapahiwatig ay napakadakila, at sa kalaunan, ang Biblia ay mapasusukdol sa bagay na ito—Roma 8:29; 1:3-4; Juan 1:1-13; 1 Juan 3:1; Apoc. 21:2, 10-11.